

澤州府志

五縣分置

自秦分郡縣後州邑之名稱廢設紀載多累引不盡郭景純云有異名而同實有異實而同名山川之不改尚難究詰况州邑乎易曰改邑不改井其所易置猶有可指者悉攷著之次五縣分置一卷

鳳臺縣

舊澤州治附郭

春秋時屬晉時爲翟人鐸所雜處三家分晉屬韓秦爲高都兩漢高都晉統上黨永嘉後爲劉石所據北魏置建州後周丹川隋曰澤州唐澤州高平郡省志載武德元年移丹川于源澤水北屬蓋州於古高都置晉城縣屬建州六年廢屬蓋州九年省丹川入晉城貞觀元年廢蓋州徙澤州

澤州府志

卷之四

分置

來治新書武德元年置建州六年廢徙蓋州來治九年省丹川并蓋州入晉城天祐二年更名丹川五代初陷梁後入晉宋晉城金澤州忠昌軍元以澤州領縣明以晉城省入澤州

國朝雍正六年設鳳臺縣于府治編戶舊一百七十一里今并一百五十一里

高平縣

府治東北九十里

春秋晉時爲翟辰米所居外傳所謂草中之戎麗土之翟者是在韓爲高都蕪代說韓以高都與東周君入趙卽長平地不四年間秦并屬上黨郡漢泫氏縣曹魏屬平陽晉泫氏北魏永安中置長平郡領高平泫氏二縣隸建州舊志永安初析泫氏置高平北齊省泫氏入高平後周并爲高

平郡縣屬之隋開皇十六年析高平置陵川十八年改高平爲丹川大業三年復爲高平縣唐武德元年於長平置蓋州貞觀元年廢蓋州復高平五代宋金仍舊元高平隸澤州明因之

國朝雍正六年隸新設澤州府編戶舊一百六十一里今併一百里

陽城縣 府治西南九十里

戰國屬韓漢漢澤屬河東郡後漢漢澤侯國晉隸平陽郡北魏隸建州安平郡孝昌中增置西漢澤隸泰寧郡其涅縣曰陽城隋隸長平郡唐於漢澤置澤州八年徙治端氏天寶元年改曰陽城隸澤州高平郡天祐二年更名漢澤五代隸澤州宋復爲陽城縣金元光二年升爲勸州元仍

澤州府志

卷之四 分置

二

爲陽城隸澤州明屬澤州

國朝因之雍正六年隸新設澤州府編戶舊九十九里今併四十里

陵川縣 府治東北一百二十里

戰國屬韓漢泫氏縣地晉屬上黨郡隋開皇十六年析高平置陵川隸長平郡唐武德初隸蓋州貞觀元年隸澤州天寶元年隸高平郡乾元元年復隸澤州五代宋因之金天德三年隸平陽府貞祐四年屬上黨六年改屬孟州元省陵川入晉城三十一年復置陵川隸澤州明隸澤州

國朝因之雍正六年隸新設澤州府編戶舊九十三里今併二十四里

沁水縣 府治西北一百八十里

周爲原國春秋屬晉戰國屬韓至三家分晉封晉君以端氏
漢沁水縣屬河內郡端氏縣屬河東郡晉沁水屬河內郡
端氏屬平陽郡北魏於沁水置泰寧郡及東永安縣真君
七年省端氏太和二十年復置爲安平郡治北齊郡廢改
沁水爲永寧縣隋開皇初廢安平郡端氏縣十八年改永
寧仍爲沁水縣屬長平郡唐武德八年復澤州治端氏天
寶元年沁水端氏隸高平郡五代宋因之金祗隸四縣於
澤州晉城端氏高平沁水元至元三年省端氏入沁水領
五縣明沁水縣

國朝因之雍正六年隸新設澤州府編戶舊五十四里今併
五十二里

考同

山川州縣古今異名者猶可核而同者易恩致使舊跡隨之燼亂湮泯者多矣禹跡猶然何論其他新莽易郡縣名已亦不復辨郭景純曰凡山川或有同名而異實或同實而異名或一實而數名似是而非似非而是且歷代久遠古今變易語有夏楚名號不同未得詳也茲謹疏其可考者別爲考同一卷其易見者附本條下凡此紛不可詳寓目則摘出以便參稽

隋淅陽郡有丹水郡丹水縣

輿地攷弘農郡有丹水縣 順陽郡有丹川縣

漢徐州臨淮郡三十九縣有高平縣 雍州安定郡二十一縣有高平縣

澤州府志

卷之四 考同

晉兖州高平國有七縣昌邑鉅野南平陽城高平金鄉諸縣 潁川郡有長平縣 梁國有長平縣

北魏兖州有高平國高平縣 東楚州有高平郡高平縣 梁蕭衍亦置下邳高平等縣

隋揚州淮南郡有長平壽春等縣

馬端臨輿地攷汝南郡有長平縣 王屋縣舊曰長平縣王屋山有高平國四縣有高平金鄉鉅野陽城 淮南郡有長平縣

永嘉南渡寄居京口僑置高平太山等縣

沁州潁川郡有長平縣 邵陵郡有高平縣

宋山陽郡有泰山高平魯三郡 博州有高平縣 修武故南陽秦始皇更名南陽城

晉河南郡有陽城縣中有箕山

銅鞮縣舊涅縣後周改為陽城

輿地考潁川郡有陽城

北魏志石勒封上黨郡為武鄉郡延和二年武鄉郡有陽城縣二漢晉皆屬上黨曰涅

山海經泰室之山郭注曰即中嶽嵩山也今在陽城縣西此河南郡之陽城

唐沁州有陽城郡

後漢河內郡有沁水縣

隋長平郡有沁水縣舊置廣寧郡後齊廢縣改為永寧開皇十八年改沁水有輔山

秦漢軹縣晉省入沁水屬河內今濟源縣舊沁水也北齊

澤州府志

卷之四 考同

二

改永寧後周并高平郡隋改永寧為沁水皆今沁水五代宋金沁水與端氏並建屬澤州元并端氏入沁水屬晉寧路

水經廣魏有白水縣

宋本作廣漢

注白水出臨洮縣西南西傾

山水色白濁

水經丹水出京兆上洛縣西北冢嶺山

隋史靈石縣有沁水太原郡文水縣有文水沁水 東平

郡鄆城有雷澤縣內有歷山雷澤 襄垣縣有鹿臺山

平遙縣有鹿臺山

新唐書懷州河內郡有太行山有丹水開元十一年更名

懷水 武德縣北百里有大斛故關在太行山上

宋河內縣有太行陘孔山濟水渙水沁水武陟縣有太行山

天門山黃河沁水

金河中府沁州有羊頭山沁水孟州卽宋濟源郡有王屋山
天壇山析城山黃河

吉州有孟門山 交城有羊腸山 壺關有羊腸坂 太
原府興縣有石樓山

隋史仁壽四年十一月煬帝幸洛陽丙申發丁男十萬掘
塹自龍門東接長平汲郡抵臨清關度河至浚儀襄城達
于洛陽以置關防欲於伊洛營建東京此長平似梁國長
平

歷山據曾南豐辨在濟州州有舊歷城蔡仲默謂在雷首
山山有九名其一曰歷山以其有媯汭水故也在南豐已
明指其非於陽城濩澤又謂雷澤舜田在彼茲沁水復有

澤州府志

卷之四 考同

三

歷山有媯汭陶壑是聖跡所在多有亦莫能名其是否也
山海經中次五經內又東十里曰歷山按之近洛不數十
百里許於河洛間又有歷山

宋王伯厚地理通釋云郡國志河東蒲坂有雷首山縣南二
十里有歷山舜所耕處括地志蒲州河中府河東縣雷首
山亦名歷山越州餘姚縣有歷山舜井濮州雷澤縣有歷
山舜井又有姚墟云生舜處媯州外城中有舜井城北有
歷山

南豐曾氏曰鄭康成釋歷山在河東好事者因媯水出于
雷首遷就附益謂歷山爲雷首之別號不攷其實矣孟子
曰舜東夷之人則陶漁在濟陰作什噐在魯東門就時在
衛耕歷山在齊皆東方之地合於孟子圖記謂齊之南山

爲歷山舜所耕處故其城名歷城今濟南府墨子舜漁于
濩澤通典陽城縣有濩澤括地志曰雷夏澤在濮州雷澤
縣郭外西北地理志禹貢雷澤在濟陰成陽縣西北
羊腸坂今太原陽曲縣有乾燭谷卽羊腸坂後漢鄧訓注
石磴縈委若羊腸然嵐州界羊腸坂是也

隋煬帝登太行山問崔頤何處有羊腸坂答以漢地理志在
壺關縣曰非答以皇甫士安地書云太原北九十里曰是
羊腸山太原交城東南五十三里

陶河濱皇甫謐曰濟陰定陶西南陶邱亭是也括地志陶
城在蒲州河東縣北三十里

兩上黨按上黨澤潞儀沁四州之地皆韓所有至七國時
趙得儀沁二州韓猶有潞州及澤州之半時澤州尙分屬

澤州府志

卷之四 考同

四

趙魏自馮亭以上黨降趙秦以三郡攻趙之澤潞則勾注
以南儀并沁三州已入秦而趙無地矣戰國策綦毋恢見
魏王曰秦悉塞外之兵與周之衆以攻南陽而兩上黨絕
是兩上黨澤與潞也伯厚曰戰國策所謂兩上黨者蓋在
韓魏之間猶安邑魏地而云取韓安邑也

乾河正義曰源出絳州絳縣東南穀山南流注河是水冬
乾夏流

荀子曰韓之上地方數百里而趨趙趙不能疑也故秦奪
之上地卽上黨地

後魏地形志上黨郡秦置治壺關城漢治長子城